



Cumegn d'urna digl cumegn da Surses digls 21-02-2021

OCCURRENZA D'INFURMAZIUN

livestream (*realisaziun virtuala*)
glindesde, igls 25 da schaner 2021, allas 20.00

Stimadas abitantas e stimos abitants

La situaziun da Covid-19 è betg sa migliurada da moda substanziala las davosas emdas. Igl mument examineschan cantun e confederaziun an en cuntign da relascher maseiras anc pi strantgas per impedeir la derasaziun digl coronavirus. Er la nova ed anc pi contagiosa mutaziun digl coronavirus fò grond chito. Sa basond sen l'ordinaziun d'autorisaziun per igls cumegns sen basa digl dretg d'urgenza, tgi la regenza grischuna ò relaschea, ò la suprastanza communal da Surses decida da betg salvar la radunanza communal preveida igls 25 da schaner. An pe da chella radunanza vign fatg en cumegn d'urna igls 21 da favrer 2021.

An vista alla votaziun all'urna ò da neir mano tras gl'amprem ena consultaziun tar igls singuls affars. A caschung d'ena occurrenza virtuala, tgi vign trasmessa scu livestream aint igl internet, vign la suprastanza communal ad infurmar davart igls affars suandonts:

- **Dumonda da renovar igl label Parc Ela - renovaziun contract digl parc per igls onns 2022-31**
Preschentaziun cun forum da discussiun tranter Paolo Giacometti (pro), parsoura dall'uniun Parc Ela, e Christoph Passecker (contra), directour administrativ dalla Pendericolas Savognin SA.
Moderaziun: Leo Thomann, mastral
- **Dumonda da cumprar ena surfatscha parziala dalla parcella da biagier digl cumegn (parc. nr. 5201, Badogna, Cunter) per biagier ena tgesa d'abitar (domicil primar)**
Infurmaziun tar la dumonda digls conjugals Emerita e Niclo Thomann
Referent: Romeo Poltera, schef da departamaint construcziun
- **Revisiun parziala dalla lescha da biagier da Savognin conc. la zona da hotel B Viols**
Infurmaziun davart igl cuntign dalla revisiun parziala e la procedura d'approvaziun
Referent: Leo Thomann, mastral
- **Contract da dretg da biagier cun la Kieswerk Bovas SA per ena surfatscha parziala dalla parcella nr. 5048 ainten la zona d'industria Punt a Cunter**
Infurmaziun tar igl cuntign digl contract da dretg da biagier
Referent: Leo Thomann, mastral

Participaziun: sur igl link <https://vimeo.com/event/608742> ins pò persequitar l'occurrenza d'infurmaziun via computer, tablet (iPad) u smartphone (telefonign), etc. Per igl smartphone direct via code QR (liger cun igl smartphone igl code QR stampo, scu sch'ins vules far ena fotografia digl code).

Dumondas & giaveischs: durant l'occurrenza d'infurmaziun ò la populaziun la pussebeladad da far dumondas u d'inoltrar giaveischs per e-mail u per telefon. Tenor pussebladad vign alloura er gist raspundia a chels giaveischs e chellas dumondas.

Contact per e-mail a leo.thomann@surses.ch u per telefonign +41 78 751 23 94.

L'occurrenza d'infurmaziun vign registrada. A parteir digl de siva ins pò vurdar chella sur igl madem link digl livestream. Igl material da votar per igl cumegn d'urna digls 21 da favrer 2021 vign tarmess allas votantas ed agls votants a taimp util per posta.

Nous angraztgagn pigl interess ed ans legragn d'Az pudeir beneventar, stimadas abitantas e stimos abitants, da moda virtuala all'occurrenza d'infurmaziun.



liger giu